


ILAY MPANDRESY

LEHIBE SY MAHERY

 Manao ahoana, ho anareo. Tena “Paska Sambatra” iray ho an’ny tsirairay avy aminareo! Ity no anankiray amin’ireo andro malaza indrindra, ho fahatsiarovana ny fitsanganan’ny Tompontsika. Izany no anankiray amin’ireo andro malaza indrindra an’ny tantara rehetra an’izao tontolo izao. Ny fitsanganana izany. Ary tena faly isika ny tonga eto, izao maraina izao, eo amin’ity andro malaza ity. Ary ny mahita ny masoandro miposaka, sy ireo voninkazo mivoaka avy ao amin’ny tany, ny zavatra rehetra dia miresaka ny amin’ny Paska.

Ary ankehitriny dia ndao isika hanondrika ny lohantsika vetivety fotsiny.

² Ray, Andriamanitra, tonga ao amin’Ny Fanatrehanao izahay. Ary miandry Anao izahay hanome anay, izao maraina izao, fitahiana mihoatra kely iray fotsiny avy any An-danitra, fikasihana kely iray an’ny Paska ao amin’ny fanahinay manokana; ka, rehefa miala eto izahay, dia mba hilaza izahay, tahaka an’ireo izay avy tany Emaosy hoe, “Tsy nangorakoraka tao anatintsika ve ny fontsika, nohon’Ny Fanatrehany?” Fa, mangataka an’izany amin’Ny Anarany izahay, ary ho an’ny Voninahiny. Amena.

³ Ao amin’ily boky farany, ny toko faha-28-n’ny Filazantsaran’ny Masindahy Matio, ary ny andininy faha-7, dia maniry aho ny hamaky ho an’ny lahateny iray, raha miditra ao amin’ity fotoana ity isika.

Ary mandehana haingana, ka teneno ireo mpianany fa efa nitsangana tamin’ny maty izy; ary, indro, mialoha anareo ho any Galilia izy; any ianareo no hahita azy: indro, efa niteny taminareo aho.

⁴ Efa nisy fanirahana lehibe maro nomena ny olona sy ireo vahoakan’ity tany ity. Saingy tsy nisy mihitsy fanirahana tena lehibe iray tahaka an’ity anankiray ity hoe, “Mandehana teneno ireo Mpianany fa efa nitsangana tamin’ny maty Izy.” Fanirahana lehibe iray izany. Ary ny fomba tokana nahafahana nanomezana an’ity, dia satria tsy maintsy nisy fandresena lehibe iray, aloha.

⁵ Efa nisy olona tamin’ireo androntsika, sy tamin’ireo andro lasa, ary tao amin’ny tantara malazan’ity izao tontolo izao ity, tao amin’ireo sahan’adiny lehibe, midadasika; efa nisy mpandresy lehibe maro, zavatra maro lehibe izay efa natao ho an’ny taranak’olombelona.

⁶ Ohatra, mieritreritra aho, raha tonga aho izao maraina izao, nifoha maraina, fa tsy nanana anjara iray hianatra betsaka. Satria, tsy fantatro fotsiny hoe ampahany inona, omaly hariva, no hananantsika androany, eo amiko sy ny pasitera, ao amin'ireo fotoana. Fa teny amin'ny lâlako, dia sendra nieritreritra aho hoe inona, izao maraina izao, no ho tsara indrindra izay fantatro ho lazaina amin'ny Vahoakany, mba handraisana hafatra iray. Nieritreritra an'ity aho hoe, "Mandehana teneno ireo Mpianany." Ankehitriny, Ireo *mpianany* dia Ireo "mpanarakany." Ny *mpianatra* iray dia "anankiray izay manaraka." Ary nieritreritra an'ity lohahevitra ity aho, hoe, *Ilay Mpandresy Lehibe Sy Mahery*.

⁷ Dia nieritreritra aho hoe mpandresy lehibe firy no efa nananantsika tao amin'ity izao tontolo izao ity, ary zavatra lehibe firy no efa nataon'izy ireo mba hampandrosoana sy hanatsarana kokoa ny fomba fiainan'ny olona. Nieritreritra an'ilay Napoléon malaza aho, tamin'ny androny, hoe ahoana fa tsy tena Frantsay iray loatra izy, saingy nanana zavatra izy tao an-tsainy. Voalohany, izy—nanamavo an'i Frantsa izy, tsy tiany izy. Tonga avy tany amin'ireo nosy izy. Saingy nanana hevitra iray izy tao an-tsainy, hoe, indray andro any dia handresy izy. Ary ny antony nananany an'ireo tao an-tsainy, dia tsy maintsy nanana zavatra iray hiasana izy.

⁸ Ho an'ny olona rehetra, alohan'ny ahafahanareo hanao asa iray, dia tsy maintsy manana antony iray ianareo, safidy iray, zavatra iray izay hiasanareo, ho an'ny tanjon'ny asa iray, zavatra iray hiasana.

⁹ Ary araka ny fantatsika rehetra, amin'ny fandraisana ny tantaran'i Hitler...na, tsy an'i Hitler, fa an'i—an'i Napoléon, hoe nandeha araka ny volana izy, sy araka ny fiovnan'ireo kintana. Tahaka an'izany no niasany, ary nanantena; satria vao nanao an'izany indray mandeha izy, dia nahazo fandresena iray. Ary tonga tao Frantsa izy, ka lasa mpiady malaza iray. Namono olona maro ho faty izy, satria tsy nifanaraka taminy izy ireo. Ary nanadio ny fireneny manontolo izy, an'ny zavatra rehetra izay nanohitra azy. Nodioviny tanteraka tokoa izany, satria tahaka an'izany no tsy maintsy nanaovany azy. Raha tsy tahaka an'izany no nanaovany azy, dia hisy zavatra hanohitra azy foana, sy ny drafiny lehibe izay nananany tao an-tsainy. Ny fiainany manokana no ho tra-doza, noho izany dia tsy maintsy nanao ny fanjakany manontolo ho tanteraka mihitsy arak'izay azony nanaovany azy izy.

¹⁰ Mihevitra aho ankehitriny fa manaraka ahy ianareo ao amin'ity, ny amin'ilay Mpandresy lehibe izay eritreretiko. Ny zavatra rehetra ao amin'Ny Fanjakany dia tsy maintsy momba Azy. Izany dia tsy maintsy ny fo, fanahy, ary ny vatana, no momba Azy. Tsy mety hisy na inona na inona hanohitra Azy. Ny zavatra rehetra izay nanohitra Azy, dia tsy maintsy Nofohanany

izany. Tsy maintsy manana ny zavatra rehetra momba Azy tanteraka Izy. Ary rehefa . . .

¹¹ Napoléon, naka an'ireo fitaovam-piadiana izy, ireo tafondro, ireo basy, ireo basilava, ireo sabatra. Dia nandroso niaraka tamin'io eritreritra anankiray io izy, hoe handresy an'izao tontolo izao izy. Ary nataony tokoa izany, tamin'ny faha-telo amby telopolo taonany. Fony izy lehilahy tanora iray, dia mpandrara iray izy. Ary ny lazany lehibe no nanao azy ho tena be hambo; ka nahavoana ny momba ny sainy izany, hany izy ka maty teo amin'ny faha-telo amby telopolo taonany, alikaolika iray. Ny lazany, no tsy nahafahany nahatanty. Ary mieritreritra lehilahy iray aho, izay tao amin'io, teo amin'ny faha-telo amby telopolo taonany io, nandresy an'izao tontolo izao nefa maty ho alikaolika iray, nohon'ny lazany, ka nahavery an'ilay tena fitsipika mihitsy izay niadiany. Izy no—izy no karazan'ilay tandindona, na, tsy tandindona iray, no ho lazaiko, fa izy no fitaovan'ny devoly. Ary teo am-piezahana handresy an'izao tontolo izao, fa tsy nahomby izy, teo amin'ny faha-telo amby telopolo taonany.

¹² Fa, oh, ity Mpiady lehibe, mahery izay resahako ity, teo amin'ny faha-telo amby telopolo taonany, dia nandresy ny zavatra rehetra izay teto an-tany sy tao amin'ny—tao amin'ny helo. Teo amin'ny faha-telo amby telopolo taonany, Mpandresy lehibe sy mahery iray!

¹³ Mieritreritra an'ireo ady lehibe izay efa niadiana teo amin'ireo saha aho. Fantatsika, mba hamaranana ny amin'i Napoléon, fa tonga teo amin'ny fiafarany izy tany Waterloo. Tombontsoako ilay izy, vao tsy ela akory izay, ny nahita teo amin'ireo seho natao tamin'ireo sisa tamin'ny kalesiny, sy ireo mpitaingin-tsoavaly ary ireo olona, ny amin'ny hoe ahoana no nandrian'izy ireo teo amin'ilay sahan'ady. Ary nanao antontany ireo kalesy, ireo kodiara simba, nilahatra teo amin'ireo lemaka tany, teo amin'izay nanaovana an'ilay fampisehoana.

¹⁴ Ary fifanoherana iray toy ny inona ilay izy! Ny manamarika an'io lehilahy teo amin'ny faha-telo amby telopolo taonany io, sy ilay fahafaham-baraka izay nipetraka teo ho fahatsiarovana ny adiny lehibe sy fandresena; ary avy eo dia mandeha mankany Jerosalema, ka mijery fasana foana iray, ho fahatsiarovana an'ilay Mpandresy lehibe sy mahery.

¹⁵ Na manao ahoana na manao ahoana, dia misy zavatra iray amin'ny fandresena. Raha manana zavatra iray izay iadiantsika isika, raha misy aretina iray ao amin'ny vatantsika, ka miady eo anelanelan'ny fahafatesana sy fiainana isika, dia fandresena iray toy ny inona izany rehefa hitantsika fa resy ilay izy. Raha miady amin'ny fahazarana lehibe iray isika, na zavatra lehibe iray izay manafika antsika, rehefa mihofahofa ireo saina lehibe amin'ny farany ka resintsika ilay izy; fihetseham-po iray inona

no omen'izany antsika, ao anatintsika, afaka ny ho mpandresy iray isika amin'izay fotoana izay.

¹⁶ Ankehitriny dia mieritreritra an'ilay ady farany aho, sy hoe ahoana rehefa naka an'i Varsovie i Hitler. Dia nihevitra ireo Alemandy fa izany no anankiray amin'ireo fandresena lehibe indrindra izay mety nisy, satria ilay lohan'ny kapitenin'izy ireo, Adolf Hitler, no nanao ny zavatra rehetra tao Varsovie hilentika indray mandeha, nandrava an'ireo tetezana, ka nirodana ilay tetezana lehibe. Namoaka an'ireo sary lehibe an'ny firodanan'ilay tetezana ireo gazety. Nandeha nanerana ny lalambe ireo Alemandy, ary nively amponga izy ireo sy nitsoka kiririoka, ary fiaramanidina an'arivony no nandalo teo aminy, satria nahazo ny fandreseny lehibe voalohany izy. Nipetraka teo tahaka ny Alexandre ilay Lehibe iray, na Napoléon iray, mba handresy an'izao tontolo izao, saingy taiza no niafarany? Tao amin'ny fahafaham-baraka. Izany tokoa, tao no nifarany.

¹⁷ Afaka mahatsiaro aho rehefa nanorina an'ilay Lalamben'i Birmanie izy ireo. Tsy maintsy misy... raha niampita teo amin'ilay tendrombohitra izy ireo. Ny sasany amin'ireo zazalahy dia mipetraka eto izao maraina izao, angamba, izay niampita an'ilay lalambe lehibe. Asa iray toy ny inona izany! Tena asa firy no nilain'izany, ary tena asa iray toy ny inona no nataon'izy ireo! Ary vola ohatrinona no vidin'izany mba hanorenana an'ilay Lalamben'i Birmanie, ireo dolara an-tapitrisany! Ireo zazalahy izay nahavery ny ainy, teo am-panaovana an'izany! Fa tamin'ny farany, ary afaka kelikely, rehefa vita ilay mailly farany an'ilay lalana, sy rehefa tontosa ilay lalambe, dia hiakam-pandresena toy ny ahoana no nivoaka avy teo amin'ny vahoaka! Nanana lalambe iray izy ireo ka afaka niampita an'ireo tendrombohitra, mba hahazo an'ilay fandresena.

¹⁸ Mieritreritra lalambe hafa iray aho, ka indray andro dia ny ain'ny Tompotsika finaritra no vidin'izany. Tsy lalana iray eto an-tany fotsiny izany, fa izany dia lalana iray antsoina hoe "ny lalan'ny fahamasinana," izay tsy handalovan'ny tsi-madio, fa ireo izay voaisy marika irery ihany. Ireo izay eo amin'ny lafin'izay misy Azy irery ihany, no handalo amin'io lalana io.

¹⁹ Fandresena lehibe no efa azo. Maro amintsika androany no afaka mahatsiaro tsara an'ilay Ady Lehibe Voalohany. Tsaroako fony aho zazalahy kely iray fotsiny, afaka mandre an'ireo kiririoka mitsoka aho; ary na dia ireo mpamboly aza, teny amin'ny saha, dia nanajanona an'ireo soavaliny, ka nanofahofa ny satrony. Nihakiaka izy ireo. Nihorakoraka izy ireo. Inona no nitranga? Tapitra ilay ady. Azo ny fandresena. Ilay fananana lehibe izay niandriantsika, dia azontsika ihany ny fandresena tamin'ny farany.

²⁰ Mieritreritra an'io ady farany io aho. Nipetraka teo ampitan'ilay lalambe mihitsy aho. Ary rehefa nanomboka

nitsoka ireo kiririoka, dia nihazakazaka nankeo an-tokontany ny olona; ireo vehivavy niaraka tamin'ireo saron'akanjony, nanala azy ireny, ary nampisavilivily azy ireny teny amin'ny rivotra. Nanidina nanerana ny hazo ireo bala. Nitsoka ireo kiririoka. Nandeha mafy nanerana ny làlambe ireo fiara. Nandohalika tamin'ny lohaliny ny olona, ka nanangana ny tãnany. Nihiakiaka izy ireo. Niantsoantso izy ireo. Nahoana? Satria nifarana ny ady. Ary ireo olona voatahy, ireo zazalahy malala izay tany ampitan'ny ranomasina, dia hody any an-trano tsy ho ela ho eo amin'izy ireo indray. Fandresena iray toy ny inona! Fotoana iray, sy fientanana iray toy ny inona ho an'ny fo rehetra! Jobily iray toy ny inona! Tamin'io hariva io, dia nanana toetra iray ny olona rehetra, afaka niditra tao amin'ilay trano fisakafoana ianareo ka mihinana, ary mivoaka ka tsy mandoa an'izany, nety tsara daholo izany. Afaka nampiasa ny fiaran'ilay olona hafa ianareo, nety tsara daholo izany. Afaka nangataka an'izay tianareo nangatahana ianareo, ary nahazo an'izany tokoa. Satria nahoana? Azo ny fandresena. Nody ireo zazalahy. Tapitra ny rehetra.

²¹ Ary mieritreritra aho, ry rahalahiko, hoe mampalahelo fa ireo karazana fihetseham-po ireo dia tsy mety maharitra foana. Fa, ho an'ny Kristiana, izao maraina izao, dia azo ny fandresena. Maneno ireo lakolosim-pifaliana. Tapitra ny ady, eo amin'Andriamanitra sy ny olona. Efa azo ny fandresena.

²² Alohan'ny ahafahana hahazo fandresena iray, dia tsy maintsy misy vidiny lehibe voalao. Oh, vidiny toy ny inona! Ary matetika dia tena lalina izy ireo, ka manao holatra lehibe, faharovitana. Fa, mba hahazoana an'ilay tendrombohitra, dia tsy maintsy mahazo an'ilay lohasaha isika. Alohan'ny ahafahantsika mahazo ny fihiratan'ny masoandro, dia tsy maintsy mahazo orana isika. Alohan'ny ahafahantsika mahazo hazavana, dia tsy maintsy mahazo ny alina isika. Alohan'ny ahafahantsika mahazo ny marina, dia tsy maintsy manana ny diso izy ireo, raha tsy izany dia tsy ho fantatrareo mihitsy izay diso.

²³ Fa mba handresena sy hahazoana an'ilay ady lehibe indrindra izay hany azo, dia nisy Anankiray izay nivoaka avy tany amin'ny Voninahitra, taona maro lasa izay. Ary tsy naka endriky ny Anjely iray teo amin'ny Tenany Izy. Tsy tonga tahaka ny olona malaza iray Izy. Fa tonga Izy mba hanaporofa fa tsy mila basilava sy bala, ary baomba atomika, mba hahazoana ady iray. Nampikianjo ny Tenany tamin'ny fanetre-tena Izy, tahaka ny zaza kely iray, ary teraka tao anatin'ny fihinanam-bilona iray. Tsy nisy toerana iray akory aza ho an'ny fahaterahany, rehefa tonga Izy. Tiako ianareo hijery an'ireo fitaovana samihafa ho an'ny ady, izay Nampiasainy.

²⁴ Ankehitriny, tao anatin'ny fanandevozana tanteraka ny taranak'i Adama. Tao izy ireo, tsy nanana fanantenana, tsy

nanana an'Andriamanitra, tsy nanana anjara, tsy nanana famindrampo, tsy nanana na inona na inona afaka nanampy azy ireo. Ireo fahavalo lehibe, an'ireo faritra ambany an'ny very, dia nahidy tao anatin'ny aizina. Tsy nisy lalana iray nivoahana. Tsy nisy anankiray afaka nanampy. Tsy nisy na inona na inona azo natao. Ilay izy dia toy ny hoe fahaverezana manontolo, tanteraka.

²⁵ Fa ny Mahery fo antsika, Izay nidina avy tamin'ireo vavahadin'ny Voninahitra, no naneho fahalehibeazana!

²⁶ Fa, tsy nisy olona teto an-tany afaka nanao an'ilay asa. Izy rehetra dia, araka ny fitenin'izao tontolo izao, tao anatin'ilay lakana iray. Isika dia, ny rehetra, "teraka tamin'ny fahotana, notorotoronina tamin'ny heloka, tonga teto amin'izao tontolo izao niteny lainga." Ary tsy misy iray amintsika afaka mifanampy. Mijoro ho tsy misy mpanampy isika, resy, korontana eo amin'ny lafiny rehetra, voasaraka ny rehetra. Tsy afaka nitandrina an'ireo lalàna sy fitsipika isika, mahita ny fahalemen'izy ireo sy ny sisa, tsy afaka nanao an'izany isika. Ary ilay izy dia toy ny hoe ilay taranak'olombelona manontolo no very.

²⁷ Ary tamin'izay fotoana izay dia tonga Izy, nidina Izy. Satria, "Izy tamin'ny voalohany," hoy ny Baiboly hoe, "Izy no Teny." Izy ilay Logos izay nivoaka avy tamin'Andriamanitra. Ary ny Logos, tany amin'ny voalohany, dia ny Teny. Ary lasa ny Teny Izy. Avy eo rehefa niakatra Izy tamin'io andro be voninahitry ny Paska io, dia tsy lasa ny Teny fotsiny ihany Izy, fa lasa Mpisoronabe an'Ny Teniny Manokana Izy. Oh, zavatra iray be voninahitra toy ny inona, Rahalahy Neville! Eritrereto fotsiny! Tsy ny Teny fotsiny ihany Izy, fa Izy no Mpisoronabe an'Ny Teniny Manokana. Ahoana no ahafahantsika hisalasalala an'izany? Ahoana no ahafahantsika handeha hankeo Aminy nefa tsy mino fa azontsika izay angatahantsika? Fa, Izy no Teny sy Mpanelanelana an'ny Teny! Lasa Teny ny Logos, ary tonga nofo ny Teny; ary ilay nofo iray ihany izay ny Teny, no noraisina tao amin'ny Voninahitra, ary ankehitriny dia Mpisoronabe manao fanelanelanana, amin'ny alàlan'ny Tenany, eo amin'Ny Teniny.

²⁸ Izany no ilain'ilay izy! Izany no fitaovana izay ananan'ilay Fiangonana. Fitaovam-piadiana iray toy ny inona! Tsy mbola nisy anankiray tahaka Azy mihitsy. Izy no Teny. Ary rehefa tonga Izy, dia teraka tao anatin'ny fihinanam-bilona iray Izy. Tonga Izy mba hampiasa ny fitaovam-piadian'ny f-i-t-i-a-v-a-n-a, fitiavana, mba handresy an'izao tontolo izao; tsy niaraka tamin'ny balan'ny fitaovam-piadiana, tsy niaraka tamin'ny basy maro vava sy fiara mifono vy. Fa tonga tao amin'ny fanao hafa iray Izy. Tonga tao amin'ny endrika fitiavana Izy. Izy no fitiavan'Andriamanitra.

²⁹ Indray mandeha, raha mbola zazalahy kely, dia nihevitra aho taloha fa Kristy dia nitia ahy, fa Andriamanitra nankahala ahy; satria Kristy no maty ho ahy, fa Andriamanitra nanana zavatra nanohitra ahy. Fa avy eo dia hitako fa Kristy no ilay tena fon'Andriamanitra mihitsy. “Toy izao no nitiavan'Andriamanitra an'izao tontolo izao, fa Nomeny ny Zanany Lahitokana, mba tsy ho very izay rehetra mino Azy, fa hanana Fiainana Mandrakizay.”

³⁰ Ankehitriny dia tonga Izy, voalohany, mba handresy. Ary ny zavatra izay napetraky ny devoly teto amin'izao tontolo izao dia ny fankahalana. Ary tonga Izy mba handresy ny fankahalana. Rehefa azontsika ireo adintsika, sy ny sisa, ao amin'ireo adin'izao tontolo izao, dia mamela foana izany, tsy ankitsahatra, fankahalana iray; satria, ny karazana ady tahaka an'izany dia avy amin'ny fahavalo. Fa tonga niaraka tamin'ny fitiavana Kristy, mba handresy ny fankahalana, mba hitia an'ireo izay tsy azo tiavina. Tonga niaraka tamin'ny fitaovam-piadiana hafa iray Izy. Ary nanetry ny Tenany Izy, “natao ambany kely noho ny Anjely,” mba hiaritra fahafatesana, sy hanome ohatra iray. Ary rehefa teto an-tany teto Izy, dia mandeha teo anivon'ny olona Izy.

³¹ Noporofoiny ireo Fitaovam-piadiany ho an'ny ady, rehefa nanasitrana ny marary Izy. Rehefa nandray bisky kely dimy sy trondro anankiroa Izy, ary namahana olona dimy arivo, dia Noporofoiny fa nanana hery mihoatra ny atomika rehetra izay nisy Izy. Tsy nampitombo trondro fotsiny ihany Izy, fa nampitombo trondro masaka Izy. Tsy nampitombo vary tao anatin'ireo bisky ireo fotsiny ihany Izy, fa nampitombo vary masaka tao anatin'ireo bisky ireo Izy. Izany no naneho fa Izy io Mpandresy lehibe sy mahery io! Tsy nahazo an'ilay rano avy tao amin'ny fantsakana fotsiny ihany Izy, fa nanao an'io rano io Izy, ho divay, avy tao amin'ilay fantsakana. Noporofoiny fa nanana Hery handresy Izy. Ary tia Izy, ka ny Fitaovam-piadiany dia fitiavana. Mariho ankehitriny.

³² Avy eo rehefa nanao an'izany Izy, rehefa nitsangana teo akaikin'ny fasan'i Lazarosy Izy indray andro, dia nisy lehilahy iray tao, maty, ary efa nalevina nandritry ny efatra andro. Na dia ireo olona izay nandalo aza, dia nanao hoe, “maimbo mihitsy aza izy ankehitriny.” Efa nihintsana ny orony, efa nandadilady nanerana azy ireo kankan'ny hoditra. Ary nitsangana teo Jesosy, amin'ny maha-Mpandresy mahery, rehefa nilaza tamin'i Marta sy Maria Izy, rehefa nitsangana teo Izy hoe, “Tsy efa nilaza taminareo ve Aho hoe, ‘Raha mety mino ianareo, dia ho hitanareo ny voninahitr'Andriamanitra?’” Vao avy nilaza an'izany fotsiny Izy (rehefa hoy izy ireo hoe, “maty ny anadahinay,” sy ny sisa), dia hoy Izy hoe, “Izaho no fananganana sy ny Fiainana! Izay mino Ahy, na dia maty aza izy, dia mbola ho velona. Ary izay velona ka mino Ahy, dia tsy ho faty

mihitsy. Tsy vao avy niteny taminareo mihitsy ve Aho fa io Hery Mandrakizay, voatahy io dia mipetraka ato Anatiko?” Tsy nanao filazana iray fotsiny mihitsy Izy, afaka nanatanteraka ny zavatra rehetra izay Nolazainy Izy, satria Izy no Mpandresy mahery.

³³ Nonina tao Aminy, niafina tao, voasarona tao amin’ny nofon’olombelona, tahaka ny olona iray, saingy tsy nisy hafa afa-tsy Andriamanitra Tsitoha no nonina tao anatin’ny tao, ilay Anankiray lehibe sy mahery. Afaka namorona indray Izy. Afaka namorona zavatra vaovao Izy. Afaka niteny Izy, ary izay Nangatahany dia nomena tamin’io segondra io. Saingy, nanetry ny Tenany Izy, nijanona ho ambany Izy. Te-hanome ohatra iray Izy. Te-ho ilay karazana Mpandresy marina iray Izy, ary izany Izy. Ankehitriny, nanaporofon’ny Tenany ho izany Izy.

³⁴ Araka ny nolazaiko mazàna tao amin’ny fivoriako, angamba mety hijoro vavolombelona izany izao maraina izao, ao amin’ity vondron’olona ity, amin’ity marain’ny Paska tsara tarehy ity. Ramatoa iray, mikambana amin’ny fiangonana iray izay tsy mino ny fanekena ny Ràn’ny Tompo Jesosy. “Raha tsy misy Rà latsaka, dia tsy misy ny famelàna ny fahotana.” Niteny tamiko izy fa ilay Lehilahy dia mpaminany iray fotsiny, Lehilahy iray mahafinaritra, nefa aho nanao azy ho maha-Andriamanitra. Hoy aho hoe, “Maha-Andriamanitra Izy. Andriamanitra Izy.”

Hoy izy hoe, “Miezaka hanao Azy ho lehibe loatra ianao.”

³⁵ Hoy aho hoe, “Tsy misy teny afaka haneho ny Fahalehibeazany!” Tsy nahita an’ily fanehoana mihitsy ny fitenin’olombelona!

³⁶ Niresaka tamin’ny lehilahy iray aho indray andro, diplomaty iray avy ao Washington, DC, ary nilaza izy, fijoroana vavolombelona kely iray tao amin’ny—ny sakafo maraina izay niarahanay nikambana, hoy izy hoe, “Rahalahy Branham, efa Loterana iray aho teo amin’ny fiainako rehetra. Saingy,” hoy izy, “indray andro raha nanatrika fifohazana iray tamin’ny fanao fahiny aho,” hoy izy, “dia nandohalika teo amin’ny alitara aho, ary nila hanana fahatsapana iray niaraka tamin’Andriamanitra.” Hoy izy hoe, “Ary raha teo aho teo amin’ny lohaliko . . .” Ankehitriny, io dia diplomatin’ny Washington iray izay nanompo teo ambanin’ny Filoha Cooledge mihitsy aza. Ary rehefa “niandrandra” izy, dia hoy izy hoe, “nahita fahitana iray an’i Jesosy aho.” Hoy izy hoe, “Afaka miteny fiteny sivy samihafa aho, mazava tsara.” Hoy izy hoe, “Fa tsy afaka nahita teny iray ho lazaina aho, avy tamin’ireo fiteny sivy ireo.” Hoy izy hoe, “Noho izany dia nanangana ny tànako fotsiny aho, ka nanome ahy anankiray vaovao Izy, mba hiresahana.” Hoy izy hoe, “Nahita ny Voninahitry ny Endriny fotsiny aho.”

37 Hoy io vehivavy io tamiko, hoy izy hoe, “Ranadahy Branham, tsy misy afa-tsy lehilahy iray fotsiny Jesosy, mpaminany iray fotsiny.”

Hoy aho hoe, “Andriamanitra Izy, ranabaviko.”

38 Hoy izy hoe, “Manao Azy ho maha-Andriamanitra ianao, saingy tsy izany Izy.” Noho izany dia hoy izy hoe, “Teo amin’ily lâlana, nankany amin’ily horonana . . .toerana, ny fasan’i Lazarosy, dia hoy ny Baiboly hoe, ‘Nitomany Izy.’”

39 Azo antoka, tena ilay fon’Andriamanitra mihitsy Izy. Niaritra tahaka ny iaretantsika Izy. Nofa tahaka antsika nofo Izy. Nitondra Izy, tao amin’ny Vatany, an’ireo faniriana iray ihany sy ireo zavatra izay entintsika. Kanefa, mba ho lasa Fanatitra tanteraka iray, dia tsy maintsy nanao an’izany Izy. Nanao Izy. Fa hoy aho hoe . . .

Hoy izy hoe, “Nitomany Izy, nandeha nankeo amin’ny fasan’i Lazarosy.”

40 Hoy aho hoe, “Saingy, oh, ramatoa, marina izany. Lehilahy iray Izy, rehefa nitomany Izy. Saingy rehefa nitsangana teo Izy, teo akaikin’ily fasana, izay nandrian’ily maty, nangina; izay nisy vatana lô iray nandry, norakofana lamba iray; rehefa nilaza izy hoe, ‘Esory ny vato.’ Nampitraka ny Vatany kely miaraka Izy, ka nanao hoe, ‘Lazarosy, mivoaha!’ Ary lehilahy iray izay efa maty, efa andro, no nitsangana tamin’ny tongony.”

41 Inona izany? Nahafantatra ny Mpanao azy ny fahalôvana. Nahafantatra ny Tompony ilay fanahy. Ary io Mpandresy lehibe sy mahery io no nanaporofa teo fa Izy no manana ny Fahafana amin’ny fahafatesana, ireo Lanitra sy ny helo, ary ny fasana.

42 Azo antoka, mampiantanentana ny fontsika izany! Miresaka ny amin’ny fikapohana an’ireo koveta fanasan-damba ve ianareo, ary ny fitsofana anjombona? Tokony ho ao amin’ny jobily iray izao tontolo izao amin’ity maraina ity, toy ny tsy mbola nisy mihitsy, ireo hiakiaka sy antsoantson’ny Olony, satria ity no andro fahatsiarovana izay Nandreseny an’ily fahavalo farany, ary namelàny antsika babo ho afaka.

43 Eny, Lehilahy iray Izy. Marina izany. Noporofoiny ny maha-Lehilahy iray, ary Noporofoiny ny maha-Andriamanitra. Indray hariva rehefa . . .

44 Ilay ranomasina lehibe romotra, izay nitelina aina an’arivony. Angamba ny sasany aminareo reny eto, izao maraina izao, maty teo amin’ily ranomasina romotra ny zazalahinareo tany, angamba nilentika tao ambanin’ireo onja tao amin’ireo sahan’ady lehibe an’ity izao tontolo izao ity. Mandry ao ny sasany amin’ireo malalanareo, angamba ao ambanin’ny ranomasina.

45 Fa indray hariva rehefa nandry tao anatin’ny lakana kely iray Izy, ka niantsambotsambotra nanodidina teo amin’ily

ranomasina ireo onja, tahaka ny bosoan-tavoahangy iray. Nitsangana Izy, ary nametraka ny Tongony teo ambonin'ny riran'ilay lakana. Niandrandra nankany An-danitra Izy, ka nanao hoe, "Milamina." Ary tamin'ireo onja, dia hoy Izy hoe, "Mipetraha tsara!" Dia tony tanteraka io ranomasina mahery io hany ka tsy nisy kentrona iray teo aminy. Izany tokoa, izany Izy!

⁴⁶ Marina fa noana tahaka ny Lehilahy iray Izy. Rehefa nidina avy teny an-tendrombohitra Izy ka noana Izy, dia nitady zavatra ho hanina teo amin'ny hazo iray, Lehilahy iray Izy. Fa rehefa naka an'ireo bisky dimy sy trondro vitsy Izy, ka namahana dimy arivo, dia mihoatra noho ny Lehilahy iray Izy.

⁴⁷ Rehefa maty Izy sivinjato sy arivo taona lasa izay, afak'omaly, nihantona teo amin'ny hazo fijaliana iray, niantsoantso famindrampo hoe, "Andriamanitro, Andriamanitro, nahoana no dia nahafoy Ahy Ianao?" Maty tahaka ny Lehilahy iray Izy. Fa sivinjato sy arivo taona mahery kely lasa izay, izao maraina izao, dia Noporofoiny izay nahazivy Azy! Nomeny ny tombokase farany amin'ny maha-mesia Azy rehefa nanapaka an'ireo fatoran'ny fahafatesana sy ny helo nisaraka Izy, ary nitsangana avy tao am-pasana, nandresy hoe, "Velona mandrakizay Aho! Ary, satria velona Aho, dia velona koa ianareo!"

⁴⁸ Io ilay Mpandresy! Miresaka ny amin'ny fanesorana aron'akanjo sy ny fanofahofana azy ve ianareo? Milaza ny olona fa adala isika satria miantsoantso sy mihazakazaka, ary mihiakiaka sy mihorakoraka isika. Tsy mbola nahatsapa an'ireo fihovitrovi-pandresen'ny Lanitra mihitsy izy ireo, hoe, "Tapitra ny ady!" Ny Mpandresintsika lehibe, mahery no nahazo ny fandresena rehetra! Mijoro ho irery Izy, izao maraina izao, tsy voakasika!

⁴⁹ Rehefa tonga teto an-tany Izy, dia nomen'izy ireo Azy ilay anarana ambany indrindra izay azon'izy ireo nomena Azy, toy ny hoe "fanatika." Izy ireo dia niantso Azy hoe *Belzeboba*, "ilay andrian'ny devoly." Marina izany. Nandeha nankao amin'ny tanàna ambany indrindra izay misy eto an-tany Izy, Jeriko, ary ilay lehilahy kely indrindra tao amin'ny tanàna dia tsy maintsy niondrika mba hahita Azy. Fa rehefa Andriamanitra, sivinjato sy arivo taona lasa izay, no nanangana Azy! Izany no nataon'ny olona Taminy. Saingy, niaraka tamin'ny fitaovam-piadian'ny fitiavana, dia nandresy ny devoly rehetra Izy.

⁵⁰ Ary nanangana Azy tena ambony Andriamanitra, ka nanome Azy Anarana iray ambonin'ny anarana rehetra izay nomena any An-danitra sy ny tany. Ny anarana rehetra any An-danitra dia miondrika eo amin'ny Anaran'i "Jesosy"! Ny Anjely rehetra, ny mpanapaka rehetra, ny zavatra rehetra dia miondrika eo amin'ny Anaran'i "Jesosy"! Ny lela rehetra dia hiaiky Azy, ny lohalika rehetra dia handohalika eo Aminy. Ary niakatra tena

ambony Izy, hany ka tsy maintsy miondrika mihitsy aza Izy mba hijery ny Lanitra. Izany ilay Mpandresy mahery! Izany ilay Anankiray izay nanao an'izany! Rehefa nandao ny tany Izy, avy eo, nanana an'izany isika omaly hariva, dia nanana an'ireo fanalahidin'ny fahafatesana sy ny helo Izy teo amin'ny Valahany, amena, "Aza matahotra, Izaho no Izy izay efa maty, fa velona indray mandrakizay mandrakizay. Ary" (*ary* dia fanohizan-teny iray) "Izaho dia manana an'ireo fanalahidin'ny fahafatesana sy ny helo, mihantona *eto* mihitsy." Miresaka ny amin'ny Mpandresy iray! "Ary, satria nandresy Aho, dia nanao làlana iray handehananareo Aho."

⁵¹ Nolavin'ny Lanitra ny olona, nikatona ny làlana. Tsy nisy làlana intsony. Fa, eo amin'izay tsy nisy làlana intsony, no tonga Izy manao anankiray. Oh, oadray! Ny tsipika voalohany dia ireo devolin'ny fisalasalana, ny manaraka dia fanombatombanana, ny manaraka dia fitiavan-tena; ity tany ity dia rakotr'ireo tsipiky ny herin-devoly; avy eo ny aretina, faharariana. Fa rehefa nanomboka niakatra nankany An-danitra Izy! Omaly hariva isika dia nahita Azy nivoaka avy tao amin'ny helo, niaraka tamin'ireo fanalahidin'ny fahafatesana sy ny helo teo amin'ny Valahany. Izao maraina izao isika dia mampakatra Azy. Haleloia! Rehefa nitsangana Izy, dia Izy no nanana. . . Nandresy Izy. Ary, rehefa niakatra Izy, dia Notapahany ny herin-devoly rehetra izay mihazona ny olona. Niakatra any amin'ny Avo Izy, ary nanome fanomezana ho an'ny olona, ireo fanomezan'ny Fanahy Masina. Ilay Mpandresy mahery! Mijoro ho irery Izy, izao maraina izao! Ary, manelanelana Azy sy ny mpino rehetra, dia misy an'ilay làlana tranainy voatahy an'ny fahamasinana izay handehanan'ny marina. Tsy misy làlana iray handosirana. Tsipika iray ihany no nampidinina avy any amin'ny Voninahitra. Namela an'ireo Dian-tongotra feno Rà Izy raha nandeha nitety an'ireo làlantsaran'ireo herin-demony Izy, ka nanao làlana iray ho antsika, hiampitana hatrany foana. Mipetraka any amin'ny Avo Izy, izao maraina izao, amin'ny maha-Mpandresy mahery!

⁵² Manana jobily iray ny Olony. An'aliny amin'izy ireo, manerana an'izao tontolo izao, no mihiakiaka fandresena.

⁵³ Nandinika an'io fikambanana amin'ny fiangonana tranainy mangatsiaka mpanaraka fitsipika io aho. Afaka mieritreritra olona iray aho milaza. . . Hasehoko anareo ilay fandàvana an'izany.

⁵⁴ Teto, vantany vao tapitra ilay Ady Voalohany, dia tonga teny amin'ny làlana teto ny hafatra iray, tonga tao anatin'ny fiara fitaterana Greyhound iray. Hoy izy ireo hoe, "Inona izany tabataba rehetra izany? Inona daholo ny amin'izany?"

⁵⁵ Ary hoy ny iray tamin'izy ireo hoe, "Jereo ity, ity ny gazety. Vao avy nitsahatra ny ady." Dia nitomany sy nihiakiaka ny olona rehetra.

⁵⁶ Saingy hoy ny vehivavy iray hoe, “Oh, oadray, nahoana ilay izy no tsy maintsy nifarana tahaka an’izany?” Hoy izy, “Raha mba afaka naharitra andro vitsy amboniny fotsiny mantsy ilay izy,” hoy izy, “dia ho nipetraka teo amin’ny làlambe nilamina izaho sy John.” Hoy izy, “Ho nipetraka teo izahay.”

⁵⁷ Nisy lehilahy iray nitsangana tany aoriana, teo afovoan’ilay fiara fitaterana; naka an’io vehivavy io, ka saiky nanipy azy teo amin’ilay varavarana. Ary rehefa nosamborin’ny polisy ilay lehilahy, dia hoy izy hoe, “Ny antony nanaovako an’izany,” hoy izy, “io vehivavy io dia tsy nanana na iza na iza tany izay nampiahiahy azy. Fa izaho manana zazalahy roa any.” Hoy izy hoe, “Tsy afaka nihazona ny fientanam-poko aho.”

⁵⁸ Oh, rahalahy! Manana ray iray aho any ankoatra any. Manana malala aho any ankoatra any. Zavatra iray izany amiko, rehefa nandresy Jesosy. Manana vady iray aho. Manana zazakely iray aho. Manana malala aho. Io Mpandresy lehibe, mahery io! Afaka miantso ahy hoe “holy-roller” ianareo na “mpivavaka fanatika,” na inona na inona tianareo hiantsoana. Fa, rehefa mieritreritra an’io ady lehibe io aho, dia nilamina hatreo izany, voaloha ny vidiny, azo ny fandresena. Nitsangana tamin’ny maty Jesosy, ilay tombokase farany amin’ny mahamesia Azy, hoe tapitra izany rehetra izany. Velona Izy, izao maraina izao, miaraka amin’ireo fanalahidin’ny fahafatesana sy ny helo. Manana malala aho izay any ampitan’ilay morona any ankoatra any. Eo amin’ity làlana lehibe tranainy ity aho, miakatra mba hahita azy ireo. Aza mihevitra hoe adala aho. Oh, saingy tena faly aho fa nilamina hatreo izany! Asa iray vita izany.

Velona, nitia ahy Izy; maty, namonjy ahy Izy;
 Nalevina, nitondra ny fahotako lavitra Izy;
 Nitsangana, nanamarina ahy maimaim-poana
 mandrakizay Izy;
 Indray andro any dia ho avy Izy, O andro be
 voninahitra!

⁵⁹ Io batisa tranainy voatahy an’ny Fanahy Masina io, mba hitari-dàlana antsika hiakatra ao amin’io làlana mahafinaritra tranainy io, oh, be voninahitra toy ny ahoana Izany! Ahoana no ahafahako ho menatra an’Izany mihitsy? Mijoro miaraka amin’i Masindahy Paoly aho, izao maraina izao, milaza an’ity hoe, “Tsy menatra ny Filazantsaran’i Jesosy Kristy aho, fa Herin’Andriamanitra ho amin’ny famonjena Izany.” Izany no Fahefana eo amin’ny aretina. Izany no Fahefana eo amin’ny fahafatesana. Izany no Fahefana eo amin’ny fasana.

⁶⁰ Rehefa io apostoly henjana, antitra io no tonga teo amin’ny faran’ny làlany, ka nihady ny fasany izy ireo tany, ary nanatrika azy teo anoloany ny fahafatesana, dia nihomehy teo amin’ny tavan’izany mihitsy izy. Hoy izy hoe, “Ry fahafatesana, aiza

ny fanindronanao? Ry fasana, aiza ny fandresena?” Avy eo dia nihiakiaka an’ireo fiderana an’Andriamanitra izy hoe, “Fa isaorana Andriamanitra Izay manome antsika ny fandresena amin’ny alàlan’i Jesosy Kristy Tompontosika!”

⁶¹ Ilay Mpandresy mahery indrindra izay hany velona, ilay Mpandresy mahery indrindra izay hany maty, satria Izy irery ihany no Anankiray izay afaka nandresy; maty, sy nandresy ny fahafatesana izy tenany, ary nitsangana indray tao amin’ny fandresena! Noporofoiny ny naha-izy Azy. Izany no tombokase farany amin’ny maha-mesia Azy.

⁶² Ary ankehitriny, raha sendra, raha hisy olona iray ato amin’ity tranobe ity izao maraina izao, izay mambram-piangonana matimaty iray, ka tsy mahafantatra ny fifalian’ny ady izay tapitra. Mihiakiaka ny olona, mifaly ny olona, mitomany ny olona! Hoy ianareo hoe, “Inona ny olona amin’izy ireo?” Fantatr’izy ireo fa zavatra iray vita izany. Tapitra izany rehetra izany! Azo antoka! Isika dia [Mitehaka ny tånany Rahalahy Branham—Mpand.] mikapoka an’ireo zava-maneno. Mampiantsoantso an’ireo trompetra isika, ary mivoaka ny Filazantsara. Fantatra ny voninahitra sy ny Herin’Andriamanitra. Ary asa vita iray izany, voasonia ilay fifanarahana; voninahitra ho an’Andriamanitra, Kristy no nanao sonia an’izany tamin’Ny Ràny Manokana! Tapitra ny ady. Azo ny fandresena. Tsy izaho mihitsy no nahazo an’izany; Izy no nahazo an’izany! Faly fotsiny aho mikasika an’izany. Oadray!

⁶³ Rehefa niverina avy tany am-pitan-dranomasina ny sasany tamin’ireo zazalahy ireo, dia niteny tamiko izy ireo, rehefa niditra tao New York ilay sambo, rehefa niditra tao amin’ny seranana mihitsy izany, dia nijery izy ireo tany ka nahita an’ilay Tsangambaton’ny Fahafahana. Izany no zavatra voalohany hitanareo, mitsangana. Nitsangana izy ireo, ny sasany tamin’ireo mpiady tranainy kilemaina teo ambonin’ny tetezan’ilay sambo, mba ahafahan’izy ireo hahita an’izany. Ary rehefa nanomboka nahita an’io Tsangambaton’ny Fahafahana io izy ireo, dia nanomboka nitomany. Niantsoantso izy ireo. Tsy nisy azon’izy ireo natao. Nitsangana teo ny lehilahy goavana be, lehilahy goavana marokoroko tånana, mangovitry sy mihozongozona. Tsy afaka nihazona ny fientanam-pony izy ireo. Nahoana? Izany no mariky ny fahafahana. Tao ambadik’io Tsangambaton’ny Fahafahana io mihitsy, no nipetraka...no nisy an’i papa, mama, ireo malala, malalan’ny fo, vady, zazakely, ny rehetra eto amin’ity tany ity izay midika ho malala ho azy ireo, dia nijanona tao ambadik’izany mihitsy. Ary talohan’ny nidiran’izy ireo mihitsy, dia fantatr’izy ireo, fa izany no tanin’ny fahafahana sy tranon’ny mahery fo. Azo antoka, hanetsika ny fientanam-ponareo izany, io saina tranainy mikopakopaka io. Eritrereto izany, mpiady tranainy feno holatry ny ady iray miditra

ao amin'ny seranana! Izany tokoa, fotoana nahafinaritra iray izany.

⁶⁴ Fa, oh, rahalahy, indray maraina any, rehefa haneno ilay Sambo tranain'i Ziona, ka mahita an'io marika io aho mitsangana any, ilay Hazo fijaliana tranainy matanjaka! Rehefa hitsoka an'ireo fanevany tranainy fotsy ireo rivotra, raha mitety an'ilay zavon'ny fahafatesana izy. Fandresena iray toy ny inona izany! Nahoana, tsy mahagaga raha tsy afaka mihazona ny fientanam-pontsika hipetraka tsara isika! Nisy zavatra nitranga; lasa sakaiza teratany isika. Vita tanteraka ilay zavatra.

⁶⁵ Rehefa niampita an'ilay tetezana lehibe izy ireo teo anelanelan'ny Avaratra sy—sy—sy—sy Australie Atsimo, avy ao Sydney, ka hatrany Sydney Atsimo. Ahoana fa ny olona rehetra dia naka . . . Nahoana, nandeha nanerana ny firenena rehetra izy ireo, mba hiezaka hahita olona hanao an'ilay izy. Tena lehibe loatra io asa io, satria nilaza izy ireo fa tsy nisy olona afaka nanao azy. Farany, hoy ny lehilahy iray avy any Angletera hoe, "Izaho no hanao an'ilay asa." Ary rehefa tonga tany izy hanao an'io asa io, dia notsapainy ny bilao rehetra izay niditra tao amin'ilay tetezana. Niankina tamin'izany ny lazany. Notsapainy ny fotaka rehetra sy ny zavatra rehetra izay tao ambany tao. Namory ny manodidina izy, sy ny tsara indrindra izay mety hitany; nalainy ireo mekanika tena tsara indrindra, ireo simista tena tsara indrindra, ny tsara indrindra amin'ny zavatra rehetra izay mety hitany, nanodidina azy. Ary, farany, rehefa vita tanteraka ilay tetezana, dia tonga ny andro izay tsy maintsy hitsapana azy.

⁶⁶ Nitsangana teny amin'ny ilany iray ireo mpitsikera, ka hoy izy ireo hoe, "Tsy hahatazona io. Hirodana io. Be fasika loatra ao ambany ao."

⁶⁷ Fa nangady tany, tany, tany, tany ambany izy. Nanana fahatokiana izy. Fantany fa efa voatsapa ny zavatra rehetra. Dia hoy izy hoe, "Izaho no hanao ny fandehanana miampita voalohany, ny tenako." Ary raha nandeha niampita an'ilay tetezana izy, teo anatrehan'ilay ben'ny tanàna, izay taoriana tahaka an'izao; ary ireo lamasinina goavana, teo amin'ny enina teo nifanakaikikaiky, tonga niampita, nanozongozona an'io tetezana io. Ilay lehilahy malaza izay nanamboatra azy, no nandeha teo alohan'io filaharana io, tahaka an'izao hoe, "Raha mianjera izy, dia miaraka aminy aho." Fa nanana fahatokiana izy.

⁶⁸ Tahaka an'izany no nataon'ny Tompontsika finaritra rehefa nanao Ny Fiangonany Izy! Notsapainy ny bilao rehetra, ny zavatra rehetra izay miditra ao anatin'Izany, satria tsy maintsy voasasan'ny Rà Izany! Ary mitsangana eo amin'ny ilany ny iray amin'ireo mpitsikera, nanao hoe, "Io andiana holy-rollers io,

tsy ho vitan'izy ireo io.” Fa amin'ny iray amin'ireo andro be voninahitra ireo! Ity Mpandresy lehibe, mahery ity dia mandeha eo alohantsika androany, mandresy! Avelao izy hihovitrovitra, hanao an'izay tiany, Izy dia . . . Tsy hisy tsi-fahombiazana iray eo amin'izany, na aiza na aiza, satria Izy no nanao an'ilay lalana, ary nahatanteraka an'izany. Azo antoka!

⁶⁹ Isika dia mieritreritra an'ireo tenin'ny olona amin'izao andro izao, mametraka ny saintsika eo amin'ireo zavatr'izao tontolo izao. Fa mamelà ahy hiteny zavatra aminareo, rahalahy, aza mamelà ahy ho menatra ny Filazantsara mihitsy! Oh, rahalahy, fanao fahiny iray fotsiny aho, nateraka indray, nateraky ny Fanahy Masina, an'ny Fanahin'Andriamanitra. Tahaka an'izany no nahaterahako, dia izay ihany no maha-izy ahy, ary izay ihany no hany tiako haha-izy ahy.

⁷⁰ Indray mandeha, vao tsy ela akory izay, nisy zazavavy iray izay nandeha nankany amin'ny kolejy. Ary izy dia zazavavy iray maha-te-ho tia, kely. Ary rehefa niverina nody izy, dia nitondra ny sasantsasany tamin'ireo hevitra ny kolejy niaraka tamin'ny.

⁷¹ Ary angamba, izao maraina izao, ny sasany aminareo dia nanana ny sasany tamin'ireo hevitrareo tany ivelany niaraka taminareo. Angamba ianareo efa nitondra, nankao ampiangonana, betsaka tamin'ireo hevitrareo. Eny, esory izany, izany no zavatra tsara indrindra izay fantatro hatao.

⁷² Tamin'izay fotoana izay ity zazavavy ity, rehefa nijanona teo aloha ilay lamasinina. Nitondra zazavavy kely iray niaraka taminy izy, iray amin'ireo karazana tsy maotina kely, fantatrareo, tahaka ny karazan'i Elvis Presley. Ary rehefa nitsangana teo izy, fantatrareo, teo amin'ilay lamasinina. Tany ivelany ny reniny; nitsangana teo ny vehivavy antitra iray, feno holatra, teo amin'ny tavany; ireo soroka kely, nilatsaka; somizo kely no nanaovany, saron'akanjo kely iray no teo amin'ny sorony. Ary ity tsy maotina kely izay niaraka taminy ity, ilay zazavavy hafa, dia nijery, ka nanao hoe, “Eny, iza io mahantra, antitra ory ratsy tarehy io?”

⁷³ Eny, fantatrareo, nahasaikatra betsaka an'ilay zazavavy izany, hoy izy hoe, “Tsy fantatro,” satria tena tsara bika mihitsy izy, ary nanana hevitr'izao tontolo izao betsaka tao an-dohany. Nefa ny reniny manokana io.

⁷⁴ Rehefa nidina ny lamasinina izy, dia nihazakazaka ilay reny antitra kely, mba hametraka ny sandriny nanodidina azy. Hoy izy hoe, “Oh, malala, Andriamanitra anie hitahy ny fo kelinao.” Dia natodiny ny lamosiny ary nanomboka nanalavitra izy, toy ny hoe tsy nahafantatra azy. Saikatra izy, satria tena ratsy tarehy ny reniny.

⁷⁵ Ary sendra, ilay mpamily an'io lamasinina io, dia nahafantatra an'ilay tantara. Nanatona teo izy, ary nametraka ny tanany teo amin'ny sorok'io zazavavy io, nanodina azy teo

anatrehan'ily mpanatrika, nanao hoe, "Mbà menatra ianao! Mbà menatra ianao!" Hoy izy, "Efa nahita ny fotoana izay naha-tsara tarehy ny reninao impolo lavitra noho ianao aho." Hoy izy, "Efa izany izy. Nipetraka teo amin'ily mpiara-monina aho." Ary hoy izy, "Zaza kely iray ianao, ary tany ambony ianao tao anatin'ny fandrian-jazanao. Ary nanantona akanjo tany ambadiky ny tokontany ny reninao." Dia hoy izy, "Tampoka teo, dia nirehitra ilay fatana, ary tao anatin'ny lelafo ilay trano manontolo. Ary rehefa nihazakazaka ny reninao kely, ka fantany fa tany ambony ianao, tao ambony tao." Hoy izy, "Niantsoantso izy ireo, ary niezaka ny handramby azy. Saingy natsipiny izay rehetra nananany, hiala, ka nihazakazaka nitety an'ireo lelafo ireo, niakatra tany ambony; ary nanala an'ireo akanjo avy teny amin'ny vatany, ka nandrakotra anao tao anatin'izany. Ary indro izy tonga, niverina avy tao amin'ireo lelafo ireo, nitondra anao. Ary torana izy, tao an-tokontany, ary ianao teny an-tsandriny." Dia hoy izy, "Nalainy izay nety naharo azy, ka niarovany anao." Dia hoy izy, "Ny antony maha-tsara tarehy anao androany, dia izany no antony naha-ratsy tarehy azy. Nefa, ny tianao ho tenenina amiko ve, dia hoe menatra an'ireo holatra eo amin'ny reninao ianao?"

Mieritreritra aho androany hoe:

Raha Jesosy irery no mitondra ny hazo fijaliana,
Ka izao tontolo rehetra izao handeha malalaka?
Misy hazo fijaliana iray ho an'ny tsirairay avy,
Ary misy hazo fijaliana iray ho ahy.

⁷⁶ Raha Jesosy no noheverina ho "Belzeboba," avy amin'ity izao tontolo izao ity, nihomehezana sy novingavingaina Izy, ary nahantona teo amin'ny hazo fijaliana iray, ka natao ho henatra iray, ho ahy; dia mihoatra nohon'ny faly aho mitondra ny latsan'ny Fahamasinany. Eny, tompoko, nantsoina hoe "holy roller," na inona na inona tianareo hiantsoana, na inona na inona fanamarihana tianareo hatao. Tsy mampijanona an'ily izy izany na kely aza. Faly fotsiny aho, izao maraina izao, fa, ao am-poko, dia velona sy manjaka ilay Kristy nitsangana. Isan'ireo Olony aho. Matoky aho fa ianareo dia isany, ihany koa.

⁷⁷ Lasa ny fotoantsika ankehitriny. Amin'ny fito marina izao, izay nilazantsika fa hiravantsika. Ireo fotoana manaraka dia hanomboka afaka ora roa eo, ankehitriny, amin'ny sivy sy sasany.

Ndao isika hanondrika ny lohantsika, vetivety, ao amin'ny vavaka.

⁷⁸ Ray any An-danitra finaritra, dimy amby efapolo minitra no efa lasa, nivoaka ny Teny. Faly ny fonay. Mandeha ny jobily; tsy jobily iray ho an'ny andro anankiray fotsiny, fa jobily iray ho an'ny Mandrakizay! Ao amin'ny Voninahitra, dia mihira ireo Anjely. O Andriamanitra, ilay Fiangonana,

mandresy, dia mihira. Maneno ireo lakolosim-pifaliana. Ireo fanahy izay voaheloka ho faty fahiny, sy ho faty ary handeha hankany amin'ny fasan'ny devoly; efa resy ny devoly! Efa resy ny fahafatesana. Efa resy ny fasana. Efa resy ny aretina. Efa resy ny finoanoam-poana. Efa resy ny fo lentika. Efa resy ny fankahalana. Efa resy ny fihafahafana. Efa resy ny fahaditiana. Efa resy ireo hambo. Resy ny zavatra rehetra. Kristy no ilay Mpandresy lehibe!

Indro, indro ilay Mpandresy lehibe, (hoy ilay poety)

Indro, indro Izy eo amin'ny fahitana miharihary,
Fa Izy no ilay Mpandresy mahery,
Satria Notriariny roa ilay voaly.

⁷⁹ Norovitiny io voaly izay nanafina ny olona tamin'Andriamanitra io, ary ankehitriny dia monina eo anivon'ny olona Andriamanitra. Notriariny io voaly izay nanakana ny fanasitranan'Andriamanitra io. Notriariny io voaly izay nanakana ny fitahian'Andriamanitra io. Notriariny io voaly izay nanakana ny fifalian'Andriamanitra io. Notriariny io voaly izay nanakana ny fiadanan'Andriamanitra io. Ankehitriny dia voatriatra roa ilay voaly. Niaraka tamin'Ny Ràny Manokana, dia nandeha ho Mpandresy iray Izy! Tapitra ny ady, Izy no nanaporofa an'izany taminay tao amin'ny Fitsanganany. Ary ankehitriny dia vavolombelona iray ny Fanahy Masina, nirahina mba hitari-dàlana anay.

⁸⁰ O Andriamanitra Mandrakizay, raha misy anankiray eto izao maraina izao, izay niraikiraiky fotsiny, miditra sy mivoaka, avy teo amin'ilay làlana, nianjera nankany amin'ny sisin-dàlana; tsy afaka nandeha tsara mihitsy teo amin'ilay afovoany, niaraka tamin'ireo mahery fo malaza, ireo mahery fo malaza izay mandeha eo afovoan'ilay làlana; mivavaka izahay, izao maraina izao, mba hanoloran'izy ireo ny aminy rehetra ho Anao, ka hivoaka ary hankasitraka an'ity fandresena lehibe ity izay efa azo tamin'ny alàlan'ny Tomponay nitsangana. Ekeo izany, Ray, fa mangataka an'izany amin'ny Anaran'i Kristy izahay.

⁸¹ Ary raha mbola manao ny lohantsika miondrika isika. Manontany aho, amin'ity fotoan'ny ora ity, hoe raha hanangana ny tanaanareo amin'i Kristy ianareo, ka hanao hoe, “Kristy, mankasitraka aho, tsy ho menatra Anao intsony indray aho. Efa saro-kenatra kely iray fotsiny aho.” Andriamanitra hitahy anao, ramatoa. Andriamanitra hitahy anao, tompoko. Andriamanitra hitahy anao sy ianao. Oh, oadray, hatraiza hatraiza ireo tàmàna! “Efa saro-kenatra kely iray aho. Efa somary menatra kely aho. Ary hitako marina tokoa ny toerako ankehitriny. Tokony tsy hanao an'izany intsony aho. Tokony hitsangana tsara aho, hanome ny fanambarako! Tokony ho izany marina tokoa aho. Tokony hiteny amin'ny olona rehetra aho hoe, ‘Nateraka indray aho.’ Tokony hiteny amin'ny olona rehetra

aho hoe, ‘Nandray ny Fanahy Masina aho.’ Tsy menatra ny Filazantsara aho, fa Herin’Andriamanitra ho amin’ny famonjena Izany. Te-ho tena Kristiana iray mandroso aho. Tsy mbola izany aho. Saingy, nohon’ny fanampian’Andriamanitra, manomboka amin’ity marain’ny Paska ity, dia ho izany aho. Ho izany aho.” Misy olon-kafa ve hanangana ny tânanareo ankehitriny alohan’ny hivavahantsika? Andriamanitra hitahy anao, anao, anao.

⁸² Oadray, jereo ireo fanapahan-kevitra! Fara-fahakeliny dimy amby roapolo na telopolo, mipetraka eo anivon’ity vondron’olona kely izy izao maraina izao, no nandray fanapahan-kevitra iray. Manomboka amin’ity marain’ny fandresena lehibe ity, izy ireo dia, nohon’ny fahasoavan’Andriamanitra, hihazona mafy ka tsy ho menatra ny Filazantsara, fa Herin’Andriamanitra ho amin’ny famonjena Izany.

⁸³ O Andriamanitra, raha nitsangana ireto tânana ireto, ka manako moramora ny mozika any amin’ny faran’ny làlana, satria tafafindra avy tamin’ny fahafatesana ho amin’ny Fiainana izahay, satria hoy Ianao hoe, “Izay mandre Ny Teniko, ka mino Izay naniraka Ahy, no manana Fiainana mandrakizay.” Efa tafafindra avy tamin’ny fahafatesana ho amin’ny Fiainana izy ireo, satria lasa fahafatesana Ianao mba hahalasa azy ireo ho Fiainana, tamin’ny alàlan’ny Fitsangananao. Natao ambany noho ny Anjely Ianao, nidina mba ho olona iray, nivoaka avy tao amin’ilay Teofania lehibe avy tany Ankoatra, ka tonga nofo; ary nanana Rà, ka nandatsaka an’io Rà io, mba Ahafahanao manao làlana iray handosirana ho anay rehetra. Avy eo dia tsy izany ihany, (mamaky an’izany ao amin’ny Baiboly izahay), fa Ianao no nanaporofa an’izany, tsy nisy diso, tamin’ny alàlan’ny fitsanganana tamin’ny maty, ka nanangana ny maty rehefa teto an-tany teto Ianao; tsy izany ihany, fa Ianao no nanome, Ianao no nanao porofa roa an’izany, tahaka ny Nataonao tamin’i Abrahama; ankehitriny, ankoatran’izany, dia naniraka ny Fanahy Masina indray Ianao mba ho vavolombelona iray. Ary manana Ny Fanatrehany voatahy izahay miaraka aminay, ary ao anatinay, mitari-dàlana anay, mitarika anay ao amin’ny Fahamarinana sy Hazavana rehetra.

⁸⁴ Misaotra Anao izahay ny amin’ireto tânana maro izay mitsangana ireto, izao maraina izao, manao hoe, “Raisiko ho ahy Kristy ankehitriny.” O Andriamanitra, raha mbola tsy vita batisa mihitsy tao amin’ny rano izy ireo, mba haneho an’ilay fahafatesana lehibe, fandevenana, ary fitsanganan’ny Tompony finaritra, dia enga anie izy ireo hiverina ao amin’ny fotoana izao maraina izao, mitondra an’ireo akanjony, ary vonona ny hidina ao anatin’ity dobo feno ranomandry ity. Ekeo izany, Ray.

⁸⁵ Tahio izahay. Mamelà an’ireo fahotanay. Homenay Anao ny dera, mandritr’ireo taona izay ho avy. Rehefa tapitra tanteraka

ny ady, rehefa misinda tanteraka ny setroka; ka tapitra tanteraka ny fifaliana, avy amin'ireto molotra eto an-tany izay ideranay Anao miaraka amin'ny zavatra rehetra izay anananay ireto, dia tsy maintsy hanana feo vaovao izahay, vatana vaovao, mba hiderana Anao. Enga anie izahay hiditra amin'ny fifaliana amin'izay fotoana izay. Fa mangataka an'izany amin'ny Anaran'i Kristy izahay. Amena!

⁸⁶ Ndao isika hitsangana ankehitriny...?...Aza adino ireo fotoana, amin'ny sivy sy sasany. Mandehana mody, ataovy ny sakafo marainanareo. Miverena, manantena ny hiaraka aminareo izahay ankehitriny. Ary avy eo rahariva, tsarovy. Tsy maintsy hiala lavitra aho izao tolakandro izao, hianatra sy hivavaka.

⁸⁷ Fa lazaiko aminareo, fa, velona Kristy, tsy maty Izy. Ary mino aho, amin'ny foko rehetra, fa ho ato amin'ity tranobe ity mihitsy Izy androany hariva, mba haneho fa velona Izy, hanao an'ireo zavatra iray ihany izay Nataony tamin'ny marain'ny Paska voalohany ary nandritry ny Diam-piainany. Raha tsy izany ilay izy, amin'izay fotoana izay dia efa mpaminany sandoka iray aho. Tena faly aho ny mahafantatra, ao amin'ity ora maizina lehibe izay iainantsika ankehitriny ity, nefa ny fanantenana rehetra, dia toy ny hoe, lasa; Kristy, ilay Vatolampy mafy no azontsika hijoroana, ny tany hafa rehetra dia fasika miletsy. Eny àry.

⁸⁸ Ny hira kelintsika, fampiravàna, hoe *Raiso Eo Aminao Ny Anaran'I Jesosy*. Ny olona rehetra, miaraka ankehitriny.

Raiso eo aminao ny Anaran'i Jesosy,
Ry zanaky ny alahelo sy fahoriana;
Ho fifaliana sy . . .

⁸⁹ Mitodiha, ka mandraisa tànana, ary manaova hoe, “Deraina ny Tompo,” an'ny olona iray eo akaikinareo. [Mandray tànana an'ireo hafa Rahalahy Branham, mifaly ary manao hoe, “Deraina ny Tompo!”—Mpand.]

Fanantenan'ny tany sy fifalian'ny Lanitra;
Anarana sarobidy, O tena mamy!
Fanantenan'ny tany sy fifalian'ny Lanitra.

⁹⁰ Ankehitriny ny olona rehetra ve mijery mankaty tsara? Ndao isika hidera Azy fotsiny. Ndao isika hanangana ny tànantsika fotsiny, ka hanao hoe, “Misaotra Anao, Tompo, nohon'ny famonjena ny fanahiko.” Eny àry, ny olona rehetra!

Misaotra Anao, Tompo, nohon'ny famonjena ny fanahiko.
Misaotra Anao, Tompo, nohon'ny fanasitranana ahy.

Misaotra Anao, Tompo, nohon'ny nanomezana
 ahy,
 Ny Famonjena lehibe tena feno sy maimaim-
 poana.

⁹¹ Zavatra iray voatahy toy ny inona! Tianareo ve Izy? Manaova hoe, “Amena.” [Hoy ny fiangonana hoe, “Amena. Amena.”—Mpand.] Oh, ny... Tanteraka ny zavatra rehetra ankehitriny, rankizy. Tapitra ny zavatra rehetra, tsy misy ady intsony, tsy misy intsony ny ady, tsy misy na inona na inona tokony hataonareo; efa vita izany. Mifaly fotsiny isika! Oh, oadray! Tanteraka isika, ao Aminy!

... miankina,
 Voaro sy voantoka amin'ny fanahiana rehetra;
 Miankina, miankina,
 Miankina eo amin'ilay Sandry mandrakizay.
 Oh, mamy toy ny ahoana ny mandeha eo amin'ity
 lalan'ny mpivahiny ity,
 Miankina eo amin'ilay Sandry mandrakizay;
 Oh, mitombo mampiratra toy ny ahoana ilay lalana
 isan'andro isan'andro,
 Miankina eo amin'ilay Sandry mandrakizay.
 Miankina, miankina,
 Voaro sy voantoka amin'ny fanahiana rehetra;
 Miankina, miankina,
 Miankina eo amin'ilay Sandry mandrakizay.

Ianareo izay afaka, ka manana mosara iray, avohay izany.

... oh, miankina,
 Voaro sy voantoka amin'ny fanahiana rehetra;
 Miankina, miankina,
 Miankina eo amin'ilay Sandry mandrakizay.

Ankehitriny ny Baibolinareo!

Miankina, miankina,
 Voaro sy voantoka amin'ny fanahiana rehetra;
 Miankina, miankina,
 Miankina eo amin'ilay Sandry mandrakizay.

⁹² Inona izany? Voaro sy voantoka, tapitra ny rehetra, vita ny rehetra, tapitra ny ady, nivaha ilay tombokase farany, niakatra Izy. Haleloia!

Miankina, miankina,
 Voaro sy voantoka amin'ny fanahiana rehetra;
 Miankina, miankina,
 Miankina eo amin'ilay Sandry mandrakizay.

⁹³ Ankehitriny dia ndao isika hanondrika ny lohantsika mankany amin'ny vovoka izay nakan'Andriamanitra antsika, ka indray andro any dia hiakatra hivoaka avy ao amin'ny vovoky ny tany isika. Satria, ny Tompontsika, dia nalaina avy tamin'ny

vovoka, nandeha tao anatin'ny vovoka; mba hanome antsika Ny Fanahiny tsy mety maty, niakatra avy tao amin'ny vovoka Izy. Ary ireo rehetra izay ao Aminy, no hiakatra hiaraka Aminy indray andro any, ho ao amin'ireo faritry ny voatahy.

⁹⁴ Raha manao ny lohantsika miondrika isika. Hitako fa eto afovoantsika Rahalahy Smith, izao maraina izao, ny pasiteran'ny Fiangonan'Andriamanitra; niantso ahy omaly hariva. Rahalahy Smith, handroso fotsiny ve ianao. Manontany aho ankehitriny, raha Rahalahy Smith no hampirava antsika amin'ny tonom-bavaka iray. Raha mandeha haingana ianareo avy eo mankany an-tranonareo, dia ataovy ny sakafo marainanareo. Miverena ho an'ny fotoan'ny Sekoly Alahady, sy ny fotoan'ny batisa, hanomboka avy hatrany amin'ny sivy sy sasany. Hanondrika ny lohantsika isika, raha mampirava amin'ny vavaka Rahalahy Smith.



ILAY MPANDRESY LEHIBE SY MAHERY MAG57-0421s

(The Great And Mighty Conqueror)

FIFOHAZAN'NY PASKA MITOHITOHY

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady marain'ny Paska tamin'ny fiposahan'ny masoandro, 21 Aprily 1957, tao amin'ny Branham Tabernacle ao Jeffersonville, Indiana, U.S.A, dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org